

## Inatsisissatut siunnersuummut nassuiaatit

**Nassuiaatit nalinginnaasut****1. Aallaqqaasiut**

Siunnersuummut tunuliaqutaasoq unaavoq, 2016-ip ukiaanerani Inatsisartunit aalajangiunneqartoq *"Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaat nr. 12, 19. november 2007-imeersumi aalajangersakkat allanngortinneqarnissaannut Naalakkersuisut peqquneqassasut, taamaasillutik aalajangersakkat allanngortinneqarlutik taamaasillunilu ilaqutariinnut ataasiakkaanut illut taamaallaat niueqatigiinnermi aki naapertorlugu tiguneqarsinnaassasut"*.

Siunnersuutikkut Inatsisartunit kissaatigineqarpoq, erseqqissumik nalunaarutigineqassasoq, illumit akilersuisarnermut periuseq qanoq ingerlanneqartassanersoq, taamaasilluni qularutigineqartassanani, illut niueqatigiinnermi akimut tuniniarneqartarnerat, aammalu illut naligiit-tussaanermik tunngaviusumik oqariartuut eqqarsaatigalugu tunineqartartut.

Siunnersuutikkut anguniarneqarpoq, illoqarfiit anginerpaat tallimat aalajangersakkamut ilaatinneqassanngitsut. Anguniagaavoq, innuttaasut namminneq illuminnut akisussaaffimmik tiguserusullutik kissaateqartut tapersorsorneqarnissaat, taamaasiornissamullu periarfissinneqassasut. Aammattaaq anguniagaavoq tapersersussallugu innuttaasut amerlanerit namminneq inimik pilersuinissaat attartortuunnarunnaarlutik. "Attartortumiit piginnittuunermut" aaqqissuussineq naapertorlugu tuniniaasarneq niueqatigiinnermi naliliineq tunngavigalugu ingerlanneqartareerpoq, naliliinerlu suliamut ilisimasalimmit attuumassuteqanngitsumit ingerlanneqartarpoq, takuuk § 12. Tamatumuuna qularnaarneqartarpoq, illu pisortanit tuniniarneqarnermi qanoq nalilerlugu tuniniarneqarsinnaassanersoq pitsaasumik neqeroorutigineqartarluni.

Peqatigitillugu Naalakkersuisut oqaasertaliussaq nr. 2 konto pingaarneq 72.06.51-imut Inissianik tunisineq inatsisiliornermut attuumassuteqartumut ilaatilerniarpaat, taamaasilluni inissiarisap attartortittakkap tamakkiisumik akiliuteqarluni pisiarinissaanut periarfissaq, kiisalu naafferaalluni akilersuinnermut aaqqissuussisoqartarneranut periarfissap ingerlatiinnarneqarsinnaalluni.

**2. Inatsisissatut siunnersuummi immikkoortut pingarnerit**

## a) Inatsisit atuuttut

Inatsit atuuttoq tassaavoq Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaat nr. 12, 19. november 2007-imeersoq.

Tamatuma saniatigut 2017-imut Aningaasanut inatsimmi konto pingaarneq 72.06.51-imut Inissianik tunisinerlut oqaasertaliussaqaq nr. 2 aamma 4-mi inatsisitigut toqqammaveqarpoq ilaqutariinnut ataasiakkaanut illutut aamma illutut affarleriittut isikkulerlugit inissianik attartortittakkanik tuniniaasinnaaneq tamakkiisumik akiliuteqarnikkut, kiisalu Naalakkersuisunut piginnaatitsissalluni aalajangissallugit, Namminersorlutik Oqartussat ilaqutariinnut ataasiakkaanut illuutaat illuutaallu affarleriit inatsimmit ilaatinneqannginnissaat. Inatsimmi tassani oqaaseqaatit taakku ilanngunneqartussatut kissaatigineqarput, pisortatigoortunngortinniarlugit.

Ilaqutariinnut ataasiakkaanut illut aamma illut affarleriit niueqatigiinnermi akimut naliliunneqartumut tunineqartareerput, tassami suliamut ilisimasalimmit attuumassuteqanngitsup illumut pineqartumut niueqatigiinnikkut akigititaq naatsorsortarmagu takuuk § 12.

Niueqatigiinnermi akigititaq sumiiffimmiit sumiiffimmut assigiinngitsuvoq. Soorlu assersuutigalugu annertuunik assigiinngissuteqartoqarsinnaavoq Uummannami illumut aamma Sisimiuni illumut akimi, naak illut pitsaassutsimikkut assigiimmik pitsaassuseqarsinnaagaluartut.

#### b) Siunnersuut

Siunnersuutikkut siunertap allanngortinneqarnissaa siunertarineqanngilaq, tassalu amerlanerusut imminut inissaqartilersinneqarsinnaassasut. Paarlattuanik siunertakkut qularnaarniarneqarpoq, ilaqutariinnut ataasiakkaanut illunik aamma illunik affarleriinnik niuernerup erseqqissuunissaa, taamaasilluni qularutigineqartussaananani, ilaqutariinnut ataasiakkaanut illunik aamma illunik affarleriinnik tunisisoqarnerani Nunatta Karsiata aamma kommunit niueqatigiinnermi akimit pissarsinissaat.

Siunnersuutip kinguneraa, siunissami ilaqutariinnut ataasiakkaanut illut aamma illut affarleriit siunnersuummi illoqarfinni toqqarneqarsimasuni pisortatigoortumik neqeroorutigineqartarnissaat. Illoqarfinni taaneqartuni ilaatitsinnginnermut tunuliaqutaasoq unaavoq, taakku inuttussutsikkut illoqarfiit annersarimmatigut peqatigitillugillu sumiiffiullutik taakkunani illunik tuniniaanissamut niuerfeqarluni. Attartortoq ataaseq assersuutigalugu Aasianni ilaqutariinnut ataasiakkaanut illumi najugalik taamaasilluni periarfissaqassanngilaq illumit namminerisamit illutut tigusisinnaanissamut. Namminersorlutik Oqartussat illu pineqartoq najugaqarfigineqarunnaarpat, illu tuniniagassanngortissinnaavaat. Tamatuma kingornatigut attartortuusimasup assigiinnik piumasaqaateqarluni innuttaasut allat sinnerisuut illumut neqerooruteqarsinnaassaaq.

Attartortut illoqarfinni nunaqarfinnilu allani allannguutissatut siunnersuummi matumani ilaatinneqanngitsuni ilaqutariinnut ataasiakkaanut illunik aamma illunik affarleriinnik pisinissamut suli periarfissaqassapput.

<b>Inatsisissatut siunnersuut inatsimmut atuuttumut sanilliullugu</b>	
	<b>§ 1</b>  Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaanni nr. 12, 19. november 2007-imeersumi imaattunik allannguisoqassaaq:
<p><b>§ 3.</b> Peqqussut atuutsinneqassanngilaq:</p> <p>1) Inissianut atorfirmut atatillugu inigineqartussatut immikkoortitanut.</p> <p>2) Inissianut siunertanut aalajangersimasunut imaluunniit sulisorisat ilaannut atugassiaasunut.</p> <p>3) Namminersornerullutik Oqartussani pisortaatitanut inissianut imaluunniit utaqqiisaasumik inissianut.</p> <p>4) Inissianut inissiaqarfinni sulisunut Namminersornerullutik Oqartussani imaluunniit kommunimi atorfeqartitaasunut atugassianut.</p> <p>5) Inissianut innarluutilinnut imaluunniit angallaruttunut immikkut atugassiatut sananeqarsimasunut aaqqissugaasunulluunniit.</p> <p>6) Inissianut iluarsartuussinermut isaterinermullu atatillugu Namminersornerullutik Oqartussat kommunilluunniit inisseeqqiffissanik pisariaqartitsinerat naammassiniarlugu atorneqartunut.</p> <p>7) Inissianut kommunalbestyrelsit isumaginninnermi inissaqartitsinissaannut atugassiaasunut.</p> <p>8) Inissianut najugaqarfittut atorneqarnermit allaanerusumut atorneqartunut.</p>	<p><b>1.</b> § 3, <i>imm. 1-imi nr. 8-p</i> kingornatigut ikkunneqassaaq</p> <p>“ 9) Ilulissani, Aasianni, Sisimiuni, Nuummi aamma Qaqortumi ilaqutariinnut ataasiakkaanut illut aamma illut affarleriit.”</p>
	<b>2.</b> § 14- <i>ip</i> kingornani immikkoortumi ”Pisortanit taarsigassarsiat, qularnaveeqqusiineq akiligassanngortitsisarnerlu” § 14a

	<p>ikkunneqarpoq:</p> <p>“ § 14a. Namminersorlutik Oqartussat kommunillu inissiaataanni ilaqutariinnut ataasiakkaanut illut aamma illut affarleriit attartortittagai, Namminersorlutik Oqartussanit imaluunniit kommuninit pigineqartut, 275.000 kr-nillu ataallugit niueqatigiinnikkut akeqartinneqartumi, qinnuteqartoqarneratigut niueqatigiinnermi akigititaasup tamakkiisumik akiliuteqarnikkut imaluunniit akilersuinissamut isumaqatigiissusiortoqarneratigut tiguneqarsinnaavoq, tak. imm. 2. Qinnuteqaat Naalackersuisunut kommunalbestyrelsimulluunniit nassiunneqassaaq pisiarinissaanullu aningaaserivimmiit pituttuisuunngitsumik nalunaarummik ilaqartinneqassalluni, tassani aningaaseriviup inissiap pisiarinissaanut akissaqartinneqarnera nalunaarutigissavaa.</p> <p>Imm. 2. Attartortup annerpaamik 275.000 koruunit tamakkerlugu akigititaq akilersinnaangippagu, illuummik pisinermi naafferarlugit akilersuinissamut isumaqatigiissusiortoqarsinnaavoq. Naafferaalluni akilersuineranut aqqissuussineq amerlanerpaamik qaammatit 60-it sinnerlugit ingerlasinnaassanngilaq, annikinnerpaamillu qaammammut 4.000 koruuninik naafferaalluni akilersuisoqartassalluni. Akiliummut ernialersuisoqaranilu akitsuusersuisoqassanngilaq.</p> <p>Imm. 3. Imm. 2 naapertorlugu naafferaalluni akilersuineranut aqqissuussinermik eqquutsisoqarsinnaanngippat, ukiumoortumik 3 %-imik ernialerlugit nationalbankip erniaritittagai ilanngullugit naatsorsuisoqartassaaq. Erniarititat akiligassap sinneranut naatsorsorneqartassaaq qaammammut akilersorneqartartussamik.</p> <p>Imm. 4. Imm. 1-2 naapertorlugit pisinermi peqqussummi § 11, imm. 2-4 aamma §§ 13-16 atuutinngillat. ”</p>
	<p style="text-align: center;"><b>§ 2</b></p> <p>Inatsisartut inatsisaat 1. januar 2018-imi</p>

### **3. Pisortanut aningaasatigut allaffissornikkullu kingunerisassat**

Siunnersuutip pisortanut aningaasaqarnikkut kinguneqartitsinissaa naatsorsuutigineqanngilaq. Illoqarfinni Ilulissani, Aasianni, Sisimiuni, Nuummi aamma Qaqortumi ilaqutariinnut ataasiakkaanut illut aamma illut affarleriit Namminersorlutik Oqartussanit kommuninilluunniit tuniniarneqarusuttut, sulit tuniniarneqarsinnaassapput. Siunissami tuniniaanerit naliliinermi akiliutigineqartussaq pinnagu niueqatigiinnermi akiliutigineqarusuttumut pisortatigoortumik neqerooruteqarnikkut pialissaaq.

### **4. Inuusutissarsiortunut aningaasatigut allaffissornikkullu kingunerisassat**

Siunnersuutip inuusutissarsiortermit sunniuteqarnissaa naatsorsuutigineqanngilaq.

### **5. Avatangiisinut, pingortitamut innuttaasullu peqqissusiannut kingunerisassat**

Siunnersuut avatangiisinut, pingortitamut innuttaasullu peqqissusaannut sunniuteqarnissaa naatsorsuutigineqanngilaq.

### **6. Innuttaasunut kingunerisassat**

Ilulissani, Aasianni, Sisimiuni, Nuummi aamma Qaqortumi ilaqutariinnut ataasiakkaanut illunik aamma illunik affarleriinnik attartortut pisiarinnissinnaanerini atorunnaarsinneqassaaq. Attartortut taakku periarfissaqanngillat "attartortumit piginnittuunermit" aaqqissuussineq atorlugu inissiamik attartukkaminnik pisiarinninnissamut, qinersinnaavaalli attartornerminnik taamaatitsinissaq taamaasilluni illu immaqqa pisortatigoortumik tuniniarneqarsinnaalerluni. Tamanna isumaqarpoq taakku atuisut allat assigalugit, illumut neqerooruteqarsinnaalernerat. Attartortunit qularnaarneqarsinnaanngilaq illumit pisiarinninnissaq innuttaasoqarpat allanik qaffasinnerusunik neqerooruteqarsimasunik imaluunniit Namminersorlutik Oqartussat kommuninilluunniit toqqarsimappassuk illup allamut attartortinnissaa.

Paarlattuanik killiliisimaneq qulaani taaneqartoq innuttaasunut allanut pitsaasunik kinguneqassaaq, taakkumi periarfissaqarsimanngikkaluaramik illumut neqerooruteqarnissaminnut, tassami siusinnerusukkut pisortatigoortumik neqeroorutigineqarsinnaasimassanngikkaluarmat.

Innuttaasut naafferaalluni akilersuinissamut aaqqissuussinermik isumaqatigiissuteqarsinnaanissamut periarfissaat eqqarsaatigalugit taamatut periarfissaqareerpoq, ilanngullugu "inatsimmi atuuttumi" immikkoortoq takuuk.

### **7. Kingunerisassat pingaaruteqartut allat**

Siunnersuut naatsorsuutigineqanngilaq allatigut annertuunik kinguneqassasoq.

### **8. Oqartussaasunit suliniaqatigiiffinnillu tusarniaaneq**

Siunnersuut ulloq 11. maj 2017 uani [www.naalakkersuisut.gl](http://www.naalakkersuisut.gl) tusarniaanermut nittartakkami tamanut saqqummersinneqarpoq ulloq 9. juni 2017 tusarniaanermut killiliunneqarluni.

Inatsisissatut siunnersuut piffissami 4. maj 2017-imit – 9. juni 2017-imit  
tusarniaassutigineqarsimavoq.

Siunnersuut tusarniaavigineqartartuni tulliuttuni tusarniaassutigineqarsimavoq.

Naalackersuisut Siulittaasuata Naalackersuisoqarfia  
Pinnngortitamut Avatangiisinullu Naalackersuisoqarfik  
Aningaasaqarnermut Akileraartarnermullu Naalackersuisoqarfik  
Aatsitassanut Ikummatissanullu Naalackersuisoqarfik  
Aalisarnermut Piniarnermullu Naalackersuisoqarfik  
Inuussutissarsiornermut, Suliffeqarnermut, Niuernermet Nukissiuuteqarnermullu  
Naalackersuisoqarfik  
Isumaginninnermut, Ilaqutariinnermut, Naligiissitaanermet Inatsisinillu atuutsitsinnermut  
Naalackersuisoqarfik  
Peqqissutsimut Nunanullu Avannarlernut Suleqatigiinnermut Naalackersuisoqarfik  
Ilinniartitaanermet, Kulturimut, Ilisimatusarnermet Ilageeqarnermullu Naalackersuisoqarfik  
Namminiilivinnermut, Nunanut Allanut Nunalerinnermullu Naalackersuisoqarfik  
A/S Inissiaatileqatigiiffik INI  
Iserit A/S  
Agerskov Consulting ApS  
KANUKOKA  
Qaasuitsup Kommunia  
Qeqqata Kommunia  
Kommuneqarfik Sermersooq  
Kommune Kujalleq  
KANUNUPE  
SIK (Sulinermet Inuussutissarsiuuteqartut Kattuffiat)  
Sulisitsisut (GE)  
Peqqinnissaq Pillugu Kattuffiit (PPK)  
Nunatsinni Perorsaasut Kattuffiat  
Atorfillit Kattuffiat (AK)  
IMAK (Ilinniartitsisut Meeqqat Atuarfianeersut Kattuffiat)  
Kalaallit Nunaanni Ilinniagartuut Kattuffiat (ASG)  
Mittarfeqarfiit A/S  
Nukissiorfiit A/S  
Asiaq  
Kalaallit Nunaanni Naalagaaffiup Sinnisua  
Kalaallit Nunaanni Politimestereqarfik  
Kalaallit Nunaanni Eqqartuussivik

Piffissap tusarniaavigineqartup naanerani tusarniaavigineqartunit akissutit tulliuttut pissarsiarineqarsimapput, tusarniaanermi akissutitut oqaaseqaatit uingasunngorlugit allataapput.

Sulisitsisut allannguutissatut siunnersuut taperserpaat, tassami tamatuma illoqarfinni taaneqartuni inissianik tuniniaanermi unammilleqatigiinneq siuarsarsinnaammagu.  
*Tusaatissatut tiguneqarpoq.*

KANUKOKA-p kommuninut ilaasortaasunut siunnersuutip sunniutissai aalajangersimasut pillugit, taakkua namminneerlutik tusarniaanermut akissuteqaquai. KANUKOKA-mit tusarniaanermut akissuteqaat Kommune Kujalliup taperserpaa.

KANUKOKA-p oqaatigaa, illoqarfinni siunnersuummi ilaatinneqanngitsuni ilaqtariinnut ataatsinut illut aamma illut affarleriit siunissami tamanut ammasumik neqeroortitsivigineqartassasut, inatsisip oqaasertaanni allassimangitsoq, kisianni tamanna taamaallaat nassuiaatini allassimasoq. Pisortat pigisaasa sapinngisamik akisunerpaamik tunineqartarnissaat qulakkeerniarlugu, tamanut ammasumik neqeroortitsisarneq pillugu tunngaviusoq, inatsisitigut aallaaviusunut takussutissaasoq, KANUKOKA-p tunngavigaa.

KANUKOKA-p uparuarpaa, neqeroortitsineq pisariaqartumik nalinganik aalajangiinermut periaasiulluni, ataasiakkaatigut pisoqarsinnaasoq.

*Inissiaq tamanut ammasumik neqeroortitsinikkut imaluunniit attartortumit piginnittumut aaqqissuussineq atorlugu tuniniarneqarnerisooq apeqqutaatinnagu, inissiap niuerfimmi akigititanut tunineqartussanngorlugu, inissiamut akigititaq aalajangerneqartussaavoq. Illoqarfinni siunnersuummi ilaatinneqanngitsut tunngavigalugit, inissiat attartortumit piginnittumut aaqqissuussineq atorlugu tunineqarsinnaassanngillat, taamaattumik inissiat tuniniarneqarnerat tamanut ammasumik neqeroortitsinikkut pisussaalluni.*

Kommuneqarfik Sermersooq siunnersuummut oqaaseqaatissaqanngilaq, kisianni § 8-imut imm. 2 nutaaq “Illoqarfiit §§ 6-7-imi allassimasut Aningaasanut inatsisini oqaasertaliussani allanngortinneqarsinnaapput.” ilanngunneqassasoq inassutigalugu.  
*Inassuteqaat tusaatissatut tiguneqarpoq, kisianni akuerineqarani.*

Mittarfeqarfiit inatsisissatut siunnersuummi maleruagassat allanngortinneqarneranni ilaatinneqannginnissaq kissaatigaa, tassami sulisunut inissiat kalluarneqassanersut Mittarfeqarfiit aarleqqutigimmagu.

*Allannguutissatut siunnersuut akuerineqassappat, taanna tamaginnut atuutilissaaq. Qinnuiginninneq akuerineqanngilaq.*

Aningaasaqarnermut Akileraartarnermullu Naalakkersuisoqarfiup ilitsersuusiortoqartariaqartoq tikkuarppaa, taamaalilluni ukiumut ernialiussat tamarmiusut qanoq annertutigilissanersut erseqqissarneqarluni. Tamatuma saniatigut ernialiinermi akiitsut akilersorneqarnissaannut iluaqusiinani, kisianni taakkuninnga annertusititsiinnartoqarpat, qanoq qisuariartoqassanersoq malittarisassaqaqartariaqaralarpoq.

*Qularnaveeqqusiussaqaarluni taarsigassarsianut uppersaammum nutaamut ukiumut ernialiussaq nationalbankip erniaritittagaa 3 %-mik ilallugu erniaqassaaq, taamaalilluni erniani ukiumut annerpaamik nationalbankip erniaritittagaa 3 %-inik akiliisooqartussanngorlugu, qaammammumt ernialiisooqartassaaq. Peqatigisaanik allannguutissatut siunnersuutip atuutilernerani Namminersorlutik Oqartussani akilersuinerimut suliaassanum nutaanik suleriaasissanik suliaqartoqassaaq, taamaalilluni naafferartumik akilersuinerit ingerlanneqanngippata sukkanerusumik malinnaasoqarsinnaassalluni.*

Tamatuma saniatigut Kalaallit Nunaanni Politimesterimit, Asiaq-mit aamma IMAK-imit, siunnersuummut oqaaseqaatissaqarsimanngitsunit, tusarniaanermut akissuteqaatit tiguneqarput.



## **Inatsisissatut siunnersuutip aalajangersagaanut ataasiakkaanut oqaaseqaatit**

### *§ 1-imut*

#### Nr. 1-imut

Aalajangersagaq nutaajuvoq tassuuna aalajangersarneqarluni, illoqarfinni taaneqartuni Namminersorlutik Oqartussat kommunilluunniit ilaqutariinnut ataasiakkaanut illuutaat aamma illuutaat affarleriit "attartortumit piginnittuunermut" aaqqissuussinermut ilaatinneqannginnerat.

Siunnersuutip kinguneraa, siunissami ilaqutariinnut ataasiakkaanut illut aamma illut affarleriit siunnersuummi illoqarfinni toqqarneqarsimasuni pisortatigoortumik neqeroorutigineqartar-nissaat. Attartortoq ataaseq assersuutigalugu Aasianni ilaqutariinnut ataasiakkaanut illumi najugalik taamaasilluni periarfissaqassanngilaq illumit namminerisaminik illutut tiguisinnaa-nissamat. Namminersorlutik Oqartussat kommunilluunniit illu pineqartoq najugaqarfiginee-ruppat illu tuniniagassanngortissinnaavaat, tamatumalu kingorna attartortuusimasup illumut innuttaasut sinnerini assigiinnik atugassaqartitaalluni illumut neqerooruteqarsinnaalluni.

#### Nr. 2-mut

Aalajangersagaq nutaajuvoq.

Imm. 1-imi tigusinissamat suliap qanoq iliorluni aallartinneqarnissaa nassuiarneqarpoq. Aalajangersakkami tamanna qinnuteqarnikkut pissasoq, kisiannili tamatuma tunngaviumik immikkut piumasaqaatitaqannginnera nassuiarneqarpoq.

Tassanili pingaaruteqarpoq qinnuteqartup aningaasalersuutissanik pissarsinissamat periarfissaqarnera pillugu aningaaserivimmiit uppernarsaatip pisussaaffiliinngitsup qinnuteqaammut ilanngunneqarnissaa. Uppernarsaat ilanngunneqanngippat Naalakkersuisut kommunalbestyrelsiluunniit qinnuteqaammut itigartitsissapput, taamaalillunilu qinnuteqartup qinnuteqaanni uppernarsaammik pineqartumik ilaqartillugu nassuteqqittariaqassavaa. Uppernarsaat pisussaaffiliinngitsoq qinnuteqartup inissiamik najukkaminik inissiatut illutulluunniit nammineq pigisatut tigusinissamat periarfissaqarneranut Naalakkersuisunut kommunalbestyresimulluunniit aamma qinnuteqartumut pitsaanerusumik qulakkeerisuusussaavoq.

Siunnersuummi takuneqarsinnaasutut qinnuteqartup aningaaseriviata uppernarsaasiussaa pisussaaffiliinngilaq. Tassani tunisinissamat akiusoq suli aalajangerneqarsimasussaannngilaq, taamaattumillu uppernarsaat taamaallaat qinnuteqartup aningaasaqarneranut tamakkiisumut tunngasuvoq, qinnuteqartup inissiamik pineqartumik aningaasalersuisinnaaneranut aningaasaqarnikkut periarfissaqarneranut tunngasuunani.

Imm. 2-mi aalajangersagaq periarfissiivoq naafferaalluni akilersuinissamut aaqqissuussinermik isumaqatigiissuteqarsinnaanissamut, tamanna matumunnga ataqatigiissillugu isigineqassaaq, tassa ajornakusoorsinnaaneranut aningaaserivinnit aamma realkredit atorlugu taarsigassarsisitsisarfinniit taarsigassarsisinnaanermut. Pisisussaq taarsigassarsinissamut isumaqatigiissusiussappat, Naalakkersuisunut imaluunniit kommunalbestyrelsemut qinnuteqaammik tunniussisoqarsimassaaq. Qinnuteqaat tunggaviusumik immikkut piumasaqaatitaqanngilaq. Isumaqatigiissuteqartoqannginnerani, attartortup aningaaserivianit oqaaseqaammik pissarsiniartoqassaaq tassa pineqartoq aningaaserivimmit taarsigassarsianik pissarsisinnaanngitsoq pillugu kiisalu pineqartumit naafferaalluni akilersuinissamut aningaasat qaammatit tamaasa akilerneqarsinnaassasut, illumut akissamik aalajangersaasoqarsinnaatinnagu. Taamaasillutik amerlanerpaanik naafferaalluni akilersuineranut aningaasat akilersorneqartussat naatsorsorneqarsinnaallutik qaammatini 60-ini 275.000 koruuninut, taakkulu qaammammut 4.583 koruunit missaanniipput, pisisoq akilersuinermini kinguaattuussanngippat. Peqatigitillugu piumasaqaataavoq, annikinnerpaanik qaammammut 4.000 koruuninik akilersuisoqartassasoq, taamaasilluni naafferaalluni akilersuinissamut aaqqissuussineq pisisumit sukkanerusumik akilerneqarsinnaaniassammat. Pisisussap kissaatigissagaluarpagu naafferaalluni akilersuinissamut aaqqissuussineq isumaqatigiissutigineqartumit qaffasinnerusinnaavoq taamaalilluni pisisumit sukkanerusumik akilerneqarsinnaaniassammat. Piumasaqaat tassalu aningaaserivinnit aamma realkredit atorlugu taarsigassarsisitsisarfinniit taarsigassarsisoqarsinnaanngitsoq tunggaveqarpoq, Namminersorlutik Oqartussat kommunillu aningaaserivinnut aamma realkredit atorlugu taarsigassarsisitsisarfinnut pitsaalluinnartunik naafferaalluni akilersuinissamut aaqqissuussisarnerinut unammillersinnaassanngimmata.

### Imm. 3.

Aalajangersakkakut aalajangiunneqarpoq, naafferaalluni akilersuinissamut aaqqissuussinermik eqquutsitsisoqarsinnaatinnagu ukiumoortumik nationalbankip erniarititaa 3 %-imik ilallugu naatsorsuisoqartassasoq. Taamatut qaffasissumik qaammatit tamaasa akiliutigineqartartussamik akiligassap sinneranut erniaqartitsinikkut, siunertarineqarpoq pisisumit kajungilernerulersitsinissaq naafferaalluni akilersuinissamut aaqqissuussinermik eqquutsitsisarnissamut, tamannami erniaqaranilu akitsuuteqassanngimmat, siullermeertumik akilersuisoqanngitsoortoqarnissaata tungaanut. Qaammammut ernialiussaq nationalbankip erniaritittagaa 3 %-imik ilallugu annertussuseqassaaq, qaammatinut 12-inut agguarneqassalluni, taamaalilluni ernialiussat ukiumut annerpaamik nationalbankip erniaritittagaa 3 %-inik ilallugu annertussuseqarsinnaassallutik.

### Imm. 4

Imm. 2-mi periarfissiisoqarsimavoq illunit tamakkiisumik akiliuteqartitsilluni tuniniarneqarsinnaaneranut. Taamatut periarfissaq peqqussummi § 11, imm. 4-mut ataqatigiissillugu isigineqassaaq, tassani agguataarinissamut tigusinissamullu atatillugu aningaasartuutitut tamanut, tassunga ilaallutik naliliinermut, siunnersorteqarnermut, eqqartuussissuserisunut naqissusiinermullu aningaasartuutit, matusissutissanik 50.000

koruuninik tunisinermut akiusoq nalinginnaasumik ilaneqartartoq. Aalajangersagaq sumiiffinnut tunngatinneqarpoq taakkunani niueqatigiinnermi akiusoq annikitsuaraasarluni, taamaattumillu taakkunani aningaasanik 50.000 koruuninik ilasisoqartassanani. Aalajangersakkami immikkut ittumik illoqarfiit mikinerusut nunaqarfiillu eqqarsaatigineqarsimapput, taakkunanimi ajornakusoorsinnaammat aningaaserivinnit aamma realkredit atorlugu taarsigassarsisitsisarfinniit taarsigassarsisinnaanissaq. Tassa taakku sumiiffiukkajuttarput taakkunani illumut niueqatigiinnermi aki annikitsuaraasarsinnaasarluni.

## § 2-mut

Aalajangersakkami siunnersuutip piffissaq atuutilerfissaa nalunaarutigineqarpoq.